

113
2. maí

AUGLÝSING

um breyting á reglugerð um fasteignaskatt á Ísafirði, nr. 61 29. apríl 1939.

Í stað orðanna „skattur þessi fellur í gjalddaga 1. apríl ár hvert“ í 7. grein reglugerðarinnar, skal koma: Skattur þessi fellur í gjalddaga 1. júlí ár hvert.

Reglugerðarbreyting þessi, sem bæjarstjórn Ísafjarðar hefur samþykkt, staðfestist hér með samkvæmt lögum nr. 69 31. desember 1937, til að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 2. maí 1952.

F. h. r.

Jónas Guðmundsson.

Hallgrímur Dalberg.

114
7. maí

REGLUGERÐ

fyrir vatnsveitu í Höfn í Hornafirði.

1. gr.

Hreppsnefnd Hafnarhrepps hefur einkaleyfi til reksturs vatnsveitu og sölu vatns á svæði því, er vatnsveitan nær yfir, og einnig til hafnarinnar í Hornafirði.

2. gr.

Frá vatnsæðum veitunnar má enginn leggja vatnsæðar, nema með leyfi vatnsveitunefndar.

3. gr.

Öll framkvæmdastörf, er vatnsveituna varða, annast vatnsveitunefnd í samráði við oddvita og hreppsnefnd. Vatnsveitunefnd annast um viðhald vatnsveitunnar, umsjón alla og endurbætur. Hreppsnefndinni skal heimilt að ráða sérstakan umsjónarmann vatnsveitunnar, er hafi eftirlit með veitukerfinu og annist önnur þau störf í þágu vatnsveitunnar, er henta þykir. Vatnsveitunefnd getur löggilt sérstaka vatnsvirkja til að annast viðhald og viðauka við vatnsveituna, og er þeim skylt að fara í öllu eftir þeim reglum, er vatnsveitunefnd setur þar um.

4. gr.

Hreppsnefnd hefur á hendi reikningshald vatnsveitunnar og innheimtu gegn hæfilegu endurgjaldi. Reikningsárið er almanaksár og skulu reikningar vatnsveitunnar endurskoðaðir af endurskoðendum hreppsreikninganna og lagðir fram ásamt hreppsreikningi ár hvert.

5. gr.

Hreppsnefndin lætur leggja vatnsæðar svo víða um kaupúnið, sem fært þykir og þörf krefur, svo að húseigendur eigi greiðan aðgang að þeim við veg, götu eða annað almenningssvæði, er lóðir þeirra liggja að eða eru í námunda við, og verður enginn krafinn um vatnsskatt fyrr en svo er.

6. gr.

Skylt er hverjum húseiganda og öðrum, er vatnsæð hefur, að halda vatnsæðum sínum vel við og láta tafarlaust gera við þær, ef leki kemur að þeim. Hann skal sérstaklega gæta þess, að ekki frjósi í æðunum. Enginn má eyða vatni að óþörfu.

114

7. maí

7. gr.

Umsjónarmönnum vatnsveitunnar og löggiltum innlagningarmönnum er heimilt að fara um hús manna, þar sem vatnsæðar liggja, til þess að athuga þær og þau tæki, er sett kunna að vera í samband við þær.

8. gr.

Heimilt er vatnsveitunefnd að loka vatnsæðum fyrir þeim, sem vanrækja að láta gera við bilanir á pípum eða tækjum, eyða vatni að óþörfu, eða greiða ekki vatnsskatt á réttum gjalddaga. Ágreiningi út af þessum atriðum má skjóta undir dóm hreppsnefndar. Fullan vatnsskatt ber einnig að greiða fyrir þann tíma, sem vatnsæðum er lokað.

9. gr.

Af öllum íbúðarhúsum og öðrum slíkum húsum, þar sem vatns er þörf, skal greiða vatnsskatt, sem lagður er á eftir fasteignamatsverði húsanna, sem hér segir:

Lágmark skattsins er kr. 250.00 á hús, sem að fasteignamati er kr. 5000.00 og þar undir.

Af næstu kr. 5000.00 greiðist	20 %
— — — 5000.00 —	10 %
— — — 5000.00 —	5 %
— því, sem þar er fram yfir, greiðist	3 %

Fyrir vatnshana utanhúss og í peningshúsum og öðrum hliðstæðum útihúsum skal greiða kr. 45.00.

10. gr.

Hús, sem nota vatn til annars en venjulegra heimilisþarfa, vegna atvinnu, sem í þeim er rekin, þar með taldar verbúðir, sláturhús, frystihús o. s. frv., skulu auk gjalds samkvæmt fasteignamatsverði greiða vatnsskatt eftir mæli, sem hér segir:

Af fyrstu 1000 smálestunum greiðist kr. 1.50 af hverri smálest.

Af því, sem umfram er, kr. 1.00 af hverri smálest.

11. gr.

Heimilt er vatnsveitunni að selja allt vatn eftir mælum. Skal þá verð á hverri smálest vera:

Af fyrstu 500 smálestunum	kr. 1.50	af hverri smálest.
— næstu 500 —	— 1.00	— — —
— því, sem umfram er	— 0.80	— — —

Auk þessa tekur vatnsveitan fastagjald, kr. 10.00 af hverri húsveitu ársfjórðungslega. Tengigjald er kr. 150.00 á húsveitu. Ársleiga á mæli verður kr. 6.00.

Öll gjöld fyrir vatn getur hreppsnefndin hækkað eða lækkað eftir ástæðum um allt að 25%.

12. gr.

Fyrir vatn til skipa skal greiða kr. 15.00 fyrir hverja smálest. Þó skal aldrei greiða minna en kr. 25.00 fyrir fiskiskip og kr. 40.00 fyrir önnur skip. Gjaldið skal greiða við móttöku.

114

7 maí

13. gr.

Gjalddagi vatnsskattsins er 1. apríl ár hvert. Vatnsskattinn má taka lögtaki og er hann tryggður með lögveði í eigninni í næstu tvö ár eftir gjalddaga, með forgangsveði fyrir hvers konar samningsveði og aðfararveði.

14. gr.

Bannað er að taka vatn úr brunahönum vatnsveitunnar eða setja hreyfi-vélar í samband við hana, nema með leyfi vatnsveitunefndar.

15. gr.

Brot gegn reglugerð þessari varðar sektum, allt að 1000 kr., nema þyngri refsing liggji við. Með mál út af brotum á reglugerðinni skal fara sem almenn lögglu-mál.

Reglugerð þessi, sem samin er og samþykkt af hreppsnefnd Hafnarhrepps, staðfestist hér með samkvæmt vatnalögum, nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 7. maí 1952.

F. h. r.

Jónas Guðmundsson.

Hallgrímur Dalberg.

115

8. maí

REGLUGERÐ

um breyting og framlenging á gildi reglugerðar nr. 44/1951, um söluskatt.

1. gr.

Ákvæði reglugerðar nr. 44/1951, um söluskatt, skulu gilda árið 1952, með þeim breytingum, sem greinir í 2.—5. gr. hér á eftir.

2. gr.

Í stað ártalsins „1951“ á tveim stöðum í 1. gr. reglugerðar nr. 44/1951 komi á sömu stöðum ártalið 1952.

3. gr.

Úr 3. gr. reglugerðar nr. 44/1951 skal falla niður „sellófanpappír“, sem telst til nr. 21a í 44. kafla tollskrár, og skip 250 tonn og stærri, sem teljast til nr. 2 í 76. kafla.

Eftirtaldar vörutegundir skulu bætast við upptalninguna í 3. gr.:

Tollskrá:

Kafli. Nr.

9	16a	Síldarkrydd, blandað.
44	11	Dagblaðapappír.
71	25	Málmþynnur, sem eru minna en 0.25 mm að þykkt og með áletrun, sem ber það með sér, að þær séu ætlaðar utan um íslenskar afurðir til útflutnings.
75	3	Snjóþreifreiðar.
76	2—3	Skip og bátar 10 tonn og stærri.